

全上古三代秦漢三國六朝文

全晉文卷一百四十

烏程嚴可均校輯

何瑾

瑾一作瑾之爲車騎參軍有集十一卷

悲秋夜

欣莫欣兮春日悲莫悲兮秋夜伊秋夜之可悲增沈懷于遠情歎
授衣于幽詩感蕭瑟于宋生天寥廓兮高寒氣淒肅兮厲清燕泝
陰兮歸飛雁懷陽兮寒鳴霜凝條兮漼漼露霑葉兮泠泠蘇文類
聚三編

卞範之

範之字敬祖濟陰冤句人太元中自丹陽丞爲始安太守安帝
初桓玄引爲江州長史歷丹陽尹進征虜將軍散騎常侍玄篡
位進侍中後將軍封臨汝縣公遷尚書僕射玄平斬于江陵

杖贊

口口嘉名，翟翟雲質。口而杖之，曰協天秩。

書鈔一百二十三

無患枕贊

器物多祥，君子攸宜。有去有取，慶合患離。覺寐枕玩，功用全施。

書鈔

一百三十四

卞嗣之

嗣之元興初爲中領軍，桓玄篡位，進侍中。

沙門應致敬啟

十二月三日，侍中臣嗣之、給事黃門侍郎臣袁恪之等言：詔書如右，神道冥昧，聖詔幽遠。陛下所宏者大，爰逮道人奉佛者耳。率土之民，莫非王臣，而曰向化，法服便抗，禮萬乘之主，愚情所未安拜。啟之禮，豈虧其道？尊卑大倫，不宜都廢。若許其名，教之外闕，其拜敬之儀者，請一斷引見。啟可紀識。謹啟。

沙門不拜俗事二

再啟

侍中臣嗣之等啟事。重被明詔。崇沖挹之至。履謙光之道。愚情眷眷。竊有未安。治道雖殊。理至同歸。尊親法教。不乖老子。稱四大者。其尊一也。沙門所乘。雖異。跡不超世。豈得不同乎天民。陛下誠欲弘之于上。然卑高之禮。化治之典。愚謂宜俯順羣心。永爲來式。請如前啟。謹啟。沙門不拜。俗事二。

三啟

侍中祭酒臣嗣之言。重被詔如右。陛下至德圓靈。使吹萬自己。九流各徇其美。顯昧并極其致。靈澤幽流。無思不懷。羣方所已。資通天人所已。交暢。臣聞佛教。自神慧爲本。道達爲功。自斯已還。蓋是斂塵之用耳。神理緬邈。求之于自形。而上者虔肅拜起。無虧于持戒。若行道不失其爲。恭王法。齊敬于率土。道憲兼隆。內外咸得矣。臣前受外任。聽承疏短。乃不知去春已有明論。近在直被詔。便率

其愚情不懼允合還此方見斯事屢經神筆宗致悠邈理折微遠
非臣駑鈍所能擊讚沙門禮已行之前代今大明既昇道化無外
經國大倫不可有關請如先所啟攝外施行謹啟

沙門不拜
俗事二

四啟

侍中祭酒臣嗣之言重奉詔自有內外兼弘者聖旨淵通道冠百
王伏讀仰歎非愚賤所逮尊王祇法臣下之節是已拳拳頓執所
守明詔超邈遠略常均臣暗短不達追用愧悚輒奉詔付外宣攝
謹啟永始元年十二月二十四日上

沙門不拜
俗事二

卞承之

承之字敬宗安帝時爲光祿勳有集十卷

鵝賦序

鳥真野之性備于俯仰之間專視緩步有自卑之志

御覽九百
二十五

溝井贊

爰有遠井冽彼下泉引流重壤合曜青天
縑甘澄潔湛爾終年圖

象懷惻寄旨嘉荃藝文類聚九

無患枕贊并序

無患木名也言人枕之無患也御覽七

爰茲素朴名爲吉始匠人斯製御覽九百五十九長隔

災氣永集靈祉展轉枕之寤寐含喜北堂書鈔一百三十四

樂社樹贊序

余門前有一社樹盤根疏柯呂非近世所植抗秀路左流陰庭宇

莊周喻道于商丘之木匠石辨才于曲轅之輶由斯而觀之固可

呂悟微矣御覽五百三十二

甘蕉贊

扶疏偕樹質則非木高舒垂蔭異秀延曠厥實惟甘味之無足藝文類聚八十七

類聚八十七御覽九百七十五

懷香贊

有卉惟翠因實制名濛濛綠葉荏苒弱莖寄芬微風寓秀閨庭懷而芳之爲翫于情藝文類聚八十一

湛方生

方生爲衛軍諮議參軍有集十卷

風賦

有氣曰風出自幽冥蕭然而起寂爾而停雖宇宙之洪遠倏俄頃而屢經同神功于不疾等至道于無情胡馬感而增思風母殞而復生啟慘冬之潛蟄達青春之句萌因嚴霜已厲威順和澤已開榮故君德喻其靡草風人倣目爲名及其猛勢將奮屯雲結陰洪氣鬱拂殷雷發音勃然鼓作拂高凌深天無澄景嶺無停林六鵠爲之退飛萬竅爲之哀吟亦有飄冷之氣不疾不徐颺颺微扇疊聲清舒王喬目之控鶴列子已之乘虛若乃春惠始和重褐初釋

遊步蘭皋，遊眄平陌，響詠空嶺，朗吟竹柏，穆開林已流惠，疏神襟，
呂清滌，軒濠梁之逸興，暢方外之冥適。

藝文類聚一
初學記一

懷春賦

夫榮凋之感人，猶色象之在鏡，事隨化而遷迴，心無主而虛映，眄
秋林而情悲，遊春澤而心令，孰云知其所已，乘天感而叩性，雖四
時之平分，何陽節之清淑，日婉孌以舒和，氣有仁而無肅，雷發響
于南山，雨漸澤于四溟，啟潛蟄于九泉，收靈蛻于天庭，修虹煥綠
呂東風，幽澗泮冰而流清，鴻飄翻于歸風，燕銜泥而來征，鷺鳥感
仁而革性，鵲鳩乘化而變聲，麥芾芾而含秀，桑藹藹而敷榮，華照
灼以爛林，葉婀娜以媚莖。

藝文類聚三
初學
記三御覽二十

秋夜

悲九秋之爲節，物凋悴而無榮，嶺積鮮而殞綠，木傾柯而落英，履
代謝以惆悵，覩搖落而興情，信皋壤而感人，樂未畢而哀生，秋夜

清兮何秋夕之轉長夜悠悠而難極月皦皦而停光播商氣已清
溫扇高風已革涼水激波已成漣露凝結而爲霜凡有生而必凋
情何感而不傷苟靈符之未虛孰茲戀之可忘何天懸之難釋思
假暘之冥方拂塵襟于玄風散近滯于老莊攬逍遙之宏維總齊
物之大綱同天地于一指等太山于毫芒萬慮一時頓泯情累豁
焉都忘物我泯然而同體豈復壽夭于彭殤

藝文類
卷三

星傾暉目流素

北堂書鈔一
百五十四

氣入肌已淒凜風灑林而蕭索

同上

白露霏已靜降

同上

遊園詠

詠茲境之可懷究川阜之奇勢水窮清已徹鑒山鄰天而無際乘
初霽之新景登北館已悠曠對荆門之孤阜俯漁陽之秀岳乘夕
陽而含詠杖輕策已行遊襲秋蘭之流芬幙長倚之森修任緩步

呂升降。歷丘墟。而四周。智無涯。而難悟。性有方而易適。差一豪而
遽乖。徒理存而事隔。故羈馬思其華林。籠雉想其皋澤。矧流客之
歸思。豈可忘于疇昔。藝文類聚

懷歸謠

辭衡門兮至歡。懷生離兮苦辛。豈羈旅兮一慨。亦代謝兮感人。四
運兮道盡。化新兮歲故。氣慘慘兮凝晨。風悽悽兮薄暮。雨雪兮交
紛。重雲兮四布。天地兮一色。六合兮同素。山木兮摧披。津壑兮凝
沍。感羈旅兮苦心。懷桑梓兮增慕。胡馬兮戀北。越鳥兮依陽。彼禽
獸兮尚然。況君子兮去故鄉。望歸塗兮漫漫。盼江流兮洋洋。思涉
路兮莫由。欲越津兮無梁。藝文類聚十九

上貞女解

伏見西道縣治下里龍憐。年始弱笄。出適皮氏。未逾半年。背京殞
沒。京兄弟三人相尋凋落。外靡期功之親。內絕肩嗣之繼。憐負其

父母之資躬親機杼之勤數年之間三喪俱舉四節悉嘗于今不輟志存匪石之固行無片言之玷賢良屢聘誓而弗許守節窮居于今五十餘年矣詳觀之遺烈書于記傳者或毀髮膚之體已絕求者之望或自經溝中苟全不奪之志雖操存而身亡行立而形虧寡能兼全其道始終若斯者也憐蓋草萊之婦人耳生于幽谷之中長于荒榛之下目不見尺素之文耳不聞今古之說師心率已陷茲四德抑可謂稟靈山岳自然天知者矣而彤管未揮令問不彰非所已表賢崇善激揚貞風也

藝文類聚十八

修學校敘

貴郡之境山秀水清嶺舉雲霞之標澤流清曠之氣荆藍之璞豈不在茲

藝文類聚三十八

七歡

有巖棲先生者學道養生離親絕俗漱清泉蔭茂木慕赤松之清

塵乃餐霞而絕穀朝隱大夫尋條援葛往而問之曰營中都曰起
館指土圭曰正宮宅既平而土沃實商旅之所通究精巧之妙思
盡土木之所窮南軒高館北連修堂左互東序右列西廂飛甍雲
構軒軒鏘鏘連棟抗穰若飛若翔幽籠納響素壁流光乃有傾城
之色玉質鳳章手習清弄心達宮商子能從我而翫之乎

大夫曰歲季月除大蜡始飭繁霜朝氛淒風夕發策龍聊曰偕逝
問虞人于中林審蹊徑之所由知此澤之多禽前批猛獸後拉黃
罾聲不得發爪不暇施此遊獵之壯觀子能從我而觀之乎

大夫曰青陽開運和氣流人天無纖翳地無飛塵五湖靜波四瀆
凝津命向方之嘉友聊汎舟以遊春此舟儼之駁遊子能從我而
乘之乎

大夫曰有嶧山之孤桐生千仞之峻嶠乘危巖以託根間丹霞而
鍊標若麗霜之淒切困寒風之蕭條若乃清秋遙夜器朗絃微閑

心理氣臨流鏡月伯身揮爪曰清弄鍾期中曲而撫節子能從我而聽之乎

大夫曰良疇沃壤傍山之阿靈澤津其根春露染其禾上蔭玄雲輕藹下流石泉清波含山澤之清潤結玉實于秋霜簡嘉穗曰精微璫冰散而珠光釀縹緲于九秋蘊二日于三陽米望麴而冰消甕未啟而流芳此五穀之精液子能從我而嘗之乎

大夫曰生乎三季之世隔乎大國之間戎馬生于郊畿英雄森曰比肩意氣冠宇宙毫勢扼丘山強虜元師懸首太白勦勒王府功刊金石此不世之奇遇也子能從我而立之乎

大夫曰蓋聞至道曰無主員應藥齋曰內盛無窮陰陽曰燠燠咸化五行之守分相攻是曰撫往運而長哉因歸風而迴軒挂長纓于朱闕反素裾于丘園靡閑風于林下鏡洋流之清瀾仰濁酒曰箕踞間絲竹而臨言

廬山神仙詩序

潯陽有廬山者，盤基彭蠡之西，其崇標峻極，辰光隔輝，幽淵澄深，積清百仞，若乃絕阻重險，非人跡之所遊，竊窺沖深，常含霞而貯氣，真可謂神明之區域，列真之苑囿矣。太元十一年，有樵採其陽者，于時鮮霞褰林，傾暉映岫，見一沙門，披法服，獨在巖中，俄頃振裳揮錫，凌崖直上，排丹霄而輕舉，起九折而一指，旣白雲之可乘，何帝鄉之足遠哉！窮目蒼蒼，翳然滅跡。藝文類聚七十八

羈鶴吟序

鄉人王氏有養鶴者，摧翮虞人之手，心悲志喪，後三年羽翮旣生，翻然高逝，有感余懷，乃爲之吟。藝文類聚九十八

木連理頌

相彼神奇，遠見禎祥，同根連柯，本枝俱昌，皇基增構，靈祚惟長，運隆周室，道均三王，丕顯奕世，依風載揚。藝文類聚九十八

老子贊

教由嚴宗化必有資深矣若人乃作皇師亦參儒訓道實希夷

恂孔父是敬是祇

藝文類聚
七十八

孔公贊

文王既沒微言將墜邈哉孔公龍見九二闡化繫象素王洙泗發

揮中葉道映周季

藝文類聚二十
初學記十七

北叟贊

樂為憂根禍為福始數極則旋往復迭起世人迷之橫生欣恥滔

滔北叟獨亮玄理喪馬弗希折肱愈喜淡哉一生無泰無否

藝文類聚

三十

庭前植稻苗

初學記作
係苗葉贊

舊舊嘉苗離離階側弱葉繁茂園株疏植流津沃根輕露濯色

藝文類聚

類聚八十五
初學記二十七

長鳴雞贊

精心妙覺獨曉冥冥風雨如晦不憊其鳴

藝文類聚卷九十一

靈秀山銘

巖巖靈秀積岵幽重傷嶺闕岫乘標挺峯桂柏參幹芝菊亂叢翠雲久映爽氣晨蒙籠籠疏林穆穆閑房幽室冬暄清陰夏涼神木奇生靈草真香雲鮮其色風飄其芳可已養性可已棲翔長生久視何必仙鄉

藝文類聚卷七

弔鶴文

余已玄冬修夜忽聞階前有鶴鳴迴寒風而清叫感淒氣而增悲屬聽未終余有感焉乃爲文弔之

惟海隅之奇鳥資秀氣已誕生擬鸞皇而比翼超羽族而獨靈濯冰霜之素質颺九皋之奇聲啄荒庭之遺粒漱絕澗之餘清望雲舒而息翮仰朝霞而晨征轍王子之靈轡繫虞人之長纓辭丹穴

之神友與雞鶩而同庭軒天衢而奔想顧樊籠而心驚獨中宵而
增思負清霜而夜鳴資冲天之儔詎曾不殊于鳥雀稟樞壽之修
期忽同彫于秋薄匪物之足悲傷有理而橫落

蘇文類
聚九十

張新安

張失其名字元興初新安太守

荅譙王論孔釋書

仰復淵旨匪邇伊教俯惟未造鞠躬汎對竊曰爲遂通資感涉悟
籍緣誠微良因則河漢滋惑故待問擬乎撞鐘啟發俟于憤悵夫
妙學窮理乃聖乃神光景燭八維順仰觀九有然而運值百齡宥
均萬劫者豈非嘉緣未構故業化莫孚哉是曰聖靈輟軌斯文莫
載靡得明微理歸指斥宗致祇曰微顯婉而成潛徙冥遠之生導
三世之源積善啟報應之轍網徧昭仁蒐之甘弘信既已漸漬習
成吝滯日祛然後道暢皇漢之朝訓敷永平之祀物無譁笑人斯

草偃實知放華猶我文宣未旭非旨睽曰異道諒理均而俱蹟者
附會玄遠孰夷冒言謬犯不違輕率狂簡弘明集十二

羊字

孚字子道泰山南城人歷太學博士兗州別駕桓玄爲太尉
爲記室參軍

詣桓玄牋

自頃世故睽離心事淪蕪明公啟晨光于積晦澄百流曰一源

世說

文學

雪贊

資清曰化秉氣曰霏遇象能鮮即潔成暉

世說文學篇又載文類聚二御覽五百八十八

徐道覆

道覆廬循姊夫元興中循據廣州曰爲始興太守義熙中與循
入寇敗歸劉藩孟懷玉擊斬之

馳使報慮循

殺兵眾甚盛成敗事係之于此宜并力摧之若此克捷天下無復
事矣根本既定不憂上而不平也

宋書武帝紀上道覆聞
劉毅南上馳使報循

劉瑾

瑾元興末爲太常卿有集九卷

蔡初學記曰爲
宋人今從隋志

甘樹賦

伊冥造之絛絛兮纏羣象于成遇嗟卉草之森秀兮將歸美于甘
樹誕寄生于南楚兮播萬里而東布浸冷泉曰搖根兮疎逸條曰
承露結密葉曰舒蔭兮絛纖塵曰闇素仰清氣曰旭晨兮流惠佩
于薄暮雖飛榮于園沼兮契巒松之貞趣時屢遷而彌貞兮凌寒
暑而一度

初學記
二十八

殷祭議

殷無定月攷時致敬其禮意尙簡去年祠雖于日有差而情典允

備宜仍曰爲正通典四十九

又議

臣尋升平已後殷祭皆在周內永和十年至今五十餘載三十月輒殷是依禮五年再殷而秦言非當若臣啟不允則責失奏彈通典

四十九義

熙三年

劉潤之

潤之元興末爲尚書左丞

殷祭議

秦元元年四月應殷而禮官墮失建用十月本非正期不應卽已

失爲始也宜以反初四月爲始當用三年十月宋書禮志三義熙三年通典四十九

作元興

三年

陳舒

舒元興末爲博士

議殷祭表 元興三年

三歲一間五年祭八年又祭兩頭如四實不盈三又十一年殷十四年殷凡間合二則十年四殷與禮五年再殷其議合矣通典四十九
武陵王招魂葬議

先太保生沒虜場求依太傅故事招魂葬案禮無招魂葬之文時人往往有招魂葬者皆由孝子哀情迷惑宜曰禮裁不應聽遂通典一百三

徐虔

虔元興末爲博士

后服未終廢樂議

周景王有后嫡子之喪既葬除服而宴樂叔向猶譏之今宜不懸周禮有憂則弛懸今天子蒙塵攝王不宜作樂但先人血祀不可廢耳魯莊公主已入廟閔公二年吉祿猶曰未可已吉是不係于

入廟也謂不宜設樂

通典一百四十七符問章皇后雖哀限未終

卓何后崩于元興三年時桓玄挾帝

西上武陵王遵承制故云攝王也

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百四十終

全晉文卷一百四十一

烏程嚴可均校輯

曹述初

述初元興末爲太常博士、

難徐邈殷祭議

三年之喪其實二十五月則五年何必六十月禮天子特祔三時

皆祫禘祫雖有定年而文無定月

通典四十九元興三年

出後者卻還爲本父服議

或曰甲有子景後叔父乙甲死景已降服周涉數年乙之妻又亡

景服父在爲母之服今叔父自有子景既還本當追服甲三年服

否若遂卽吉則終身無斬縗之服博士曹述初議曰禮大宗無子

族人已支子後之不爲小宗立後明棄親卽疏叔非大宗又年尚

少自可有子甲已景後非禮也子從父此命不得爲孝父亡則周

叔妻死制母服于義謬也。今歸本宜制重。已全父子之道。

或難曹曰。禮日月過而後聞喪。則有稅服。當聞喪之日。哀情與始遭喪同。是已聞喪。或在數十年後。猶追服重。甲死。景卽知喪。哀情已敘。爲出後降周者。服制耳。三年之喪。稱情而立。聞父喪。積年哀戚久除。令更制重是服。非稱情之義。若依稅服。失其類矣。且子爲父。不過再周。景當爲甲。已服周矣。今復制重。是子爲父服三周也。豈禮意乎。答曰。景于禮無後乙之義。景旣不得成重制于乙。又闕父子之道。人子之情。豈得無追遠之至戚乎。就使情輕。于日月已過而後聞喪。服父之禮。豈可便廢。今已哀戚久除。方制重服。爲難過矣。父之于子。兼尊親之至重。禮制斬縗三年。明其兼重也。齊縗周服。非所已崇尊親之至重。景雖當爲甲服周。豈禮也哉。而數已爲父三周乎。

或難曰。禮婦人有父喪未練。而夫家遣之。則爲父服三年。旣練而

見遣則已猶如爲人後者亦爲所後斬縗三年爲父服周服制既同則義可相準若甲死未練而景歸則應爲三年今喪已久于禮不應追服荅曰禮婦人適人則降父服周爲夫三年既練而見遣父服除矣重制已成于夫故雖及父母之家父亡不得復爲父服三年不二斬之義也婦人于禮得成其重制于夫景于禮無後乙之義雖甲喪久除而景歸既已不得成重于乙今又不爲甲追制重服是景爲人子終無服父之道也

張湛謂曹曰禮所稱爲人後後大宗所已承正統若非大宗之主所繼非正統之重無相後之義今乙雖無子于禮不應取後于甲甲之命景景之從甲皆爲違禮若如前議則兄弟曰子相養者代代有之此輩甚眾時無譏議蓋同繫一祖兄弟所生猶如己子非犯禮違義故也雖非禮之正義亦是一代成制由來故事豈可已甲命獨爲非禮景從便爲失道此之得失自當與代人共之耳今

所疑于景既當持服與不議者。曰爲景歸宜制重。引稅服爲例。恐非明證。夫稅服者。自謂日月已過。而後聞喪。聞喪之日。卽初死之時。爲制服之始。今月數得全。哀情得敘。爲人後者。父終則盡心極哀。但逼于所後。抑情降服。曰尊父命。及其還歸論喪。則已積年。卽事則必有降殺。而方復追。所謂不稱情者矣。過時而不知喪。則是平吉之人。旣初聞之。則同于始死。與喪過而歸。何得爲例。若謂景旣不得全重制于乙。又闕子道于甲。故更服重。卽所謂全父子之道。猶非稅服乎。又設難云。婦人父喪旣練而見遣。爲父服周。曰準爲人後者。旣還所生。父喪已久。于禮不追。此議何疑。荅曰。正曰婦人得成制于夫。景不得成重制于乙。今景于禮誠無後乙之義。然據受父命爲人子。與婦人出適者。皆爲本親降服一等。爲所後及夫制服三年。其義正同也。今曰婦人旣練見遣。重制已成于夫。故不爲父三年。今謂景本不應爲乙後。然景旣奉命爲乙子。則許其降本。

親之服及其喪過而歸則重制成于所後矣若不服重制其本親
乃豈可終身無斬縗之服直是率懷而言無所依據耳

通典九十六

集解明宗義

其士大夫之嫡者此爲諸侯別子之後也或母弟之子孫或庶弟
之子孫位爲大夫者各祖別子爲始祖各宗其嫡爲大宗嫌庶子
小宗之後猶不得爲嫡故通稱嫡曰明之後代皆應同正也

通典七十一

三

公子有宗道者禮諸侯不服庶子先君之所不服子亦不敢私相
服也夫兄弟之恩既不可曰無報親戚羣居又不可曰無主故君
必命長弟曰爲之宗宗立而後相服相服之義由于其宗故曰公
子有宗道公子之公爲其士大夫之庶宗者公子之公謂君之庶
弟受命爲宗者也其有功德王復命爲諸侯尊羣庶所不敢宗故
此君復命其次庶代己爲宗主士大夫羣庶之在位者也

通典七十三

劉柳

柳字叔惠南陽人司空喬曾孫累官尚書左右僕射後將軍吳國內史歷徐兗江三州刺史封都鄉亭侯義熙十二年除尚書令卒贈右光祿大夫開府儀同三司

薦周續之于太尉劉裕

臣聞案刺史與太尉職不稱臣此宋書追改耳恢耀和肆必在兼城之寶翼亮崇本宜

紆高世之逸是曰渭濱佐周聖德廣運南洛匡漢英業乃昌伏惟明公道邁振古應天繼期遊外囑于冥內體遠形于應近雖汾陽之舉輟駕于時艱明揚之旨潛感于窮谷矣竊見處士雁門周續之清真貞素思學鉤深弱冠獨往心無近事性之所造榮華與飢寒俱落情之所慕巖澤與琴書共遠加曰仁心內發義懷外亮留愛崑崙誠著桃李若升之宰府必鼎味期和濯纓儒官亦王猷遐緝臧文不知失在降賢言偃得人功由升士願照其丹款不召人

廢言

宋書周鑒之傳江州刺史劉柳薦之千高祖俄而辟爲太尉柳不就

劉毅

毅字希樂小名盤龍彭城沛人仕爲州從事桓弘已爲中兵參軍桓玄篡位與劉裕何無忌等起兵爲冠軍將軍青州刺史進使持節兗州刺史事平爲撫軍將軍進都督豫州等五郡軍事豫州刺史封南平郡開國公兼都督宣城軍事進拜衛將軍開府儀同三司鎮姑孰爲徐道覆所敗降爲後將軍尋轉衛將軍江州都督移鎮豫章進都督荆寧秦雍四州諸軍事荊州刺史加督交廣二州爲劉裕所破自縊

乞還終喪表

弘道爲國者理盡于仁孝訴窮歸天者莫甚于喪親但臣凡庸本無感慨不能隕越故其宜耳往年國難滔天故志竭愚忠鯁然苟存去春鑾駕迴軫而狂狡未滅雖姦凶時梟餘燼竄伏威懷寡方

文武勞弊微情未申顧景悲憤今皇威遐肅海內清蕩臣窮毒艱
穢亦已具于聖聽兼羸患滋甚眾疾互動如今寢頓無復人理臣
之情也本不甘生語其事也亦可已沒乞賜餘骸終其丘墳庶幾
忠孝之道獲宥于聖世

晉書劉毅傳初毅丁憂在家及義旗初興
日已終喪禮

鎮姑孰上表

忝任此州地不爲曠西界荒餘密邇寇虜北垂蕭條士氣羸獯民
不識義唯戰是習遁逃不逞不謀日會比年已來無月不戰實非
空乏所能獨撫請輔國將軍張暘領淮南安豐梁國三郡

南齊志
六義熙

年

請移江州軍府于豫章表

臣聞天呂盈虛爲道治

晉書作
運收

呂損益爲義

晉書作
作道

時否而政不革

民凋而事不損則無已救急病于已危極塗炭于將絕自頃戎車

屢爲晉書干戈溢境所統江州已一隅之地當逆順之衝力弱民
慢而器運所繼自桓玄已來驅蹙殘毀至乃男不被養女無對匹
逃亡去就不避幽深自非財單力竭無已至此若不曲心矜理有
所改移則靡遺之歎危焉必及臣謬荷增統傷慨兼懷夫設官分
職軍國殊用牧民已息務爲大武略已濟事爲先今兼而領之蓋
出于權事因藉既久遂爲常則江州在腹心之中憑接揚豫藩屏
所倚實爲重複昔胡寇縱逸朔馬臨江抗禦之宜蓋出權計已溫
嶠明達事由一己猶覺其獎論之備悉今江左區區戶不盈數十
萬地不踰數千里而統司鱗次未獲減息大而言之足爲國恥況
乃地在無虞而猶置軍府文武將佐資費非一豈所謂經國大情
揚湯去火者哉其州郡邊江民戶遼落加已郵亭嶮關畏阻風波
轉輸往還常有淹廢又非所謂因其所利已濟其弊者也愚謂宜
解軍府移治豫章處十郡之中厲簡惠之政比及數年可有生氣

且屬縣凋散亦

晉書作示

有所存而役調送迎不得休止亦謂應隨宜

并減目簡眾費刺史庾悅自臨州部日來甚有恤民之誠但網維不革自非綱目所理尋陽接蠻宜示有防遏可卽州府千兵目助

郡成

晉書劉毅傳宋書庾悅傳

請兼督交廣表

荊州編戶不盈十萬器械索然廣州雖凋殘猶出丹漆之用請依

先準

晉書劉毅傳

請旨并州刺史劉道規鎮夏口

夏口二州之中地居形要控接湘川邊帶滙沔請并州刺史劉道

規鎮夏口

南齊州郡志下

何無忌

無忌東海鄉人劉牢之甥州辟從事轉太學博士爲東海王元

顯中尉加廣武將軍起兵討桓玄爲輔國將軍琅邪內史桓玄

平進右將軍豫州刺史未之職遷會稽內史義熙二年遷江州刺史封安城郡公加散騎侍郎進鎮南將軍拒盧循別將徐道覆戰敗握節死贈侍中司空謚曰忠肅

呂竟陵還荊州表

竟陵去治遼遠去江陵正三百里荆治所立綏定郡民戶參入此境郡治常在夏口左右欲資此郡助江濱戍防呂竟陵還荊州又司州弘農揚州松滋二郡寄尋陽人民雜居宜並見督南齊州郡志上難釋惠遠沙門袒服論

見答問袒服指訓兼弘標末文于玄古貴形理于近用使敬慢殊流誠服俱盡殆無間然至于所呂明順猶有未同何者儀形之設蓋在時而用是呂事有內外乃可呂淺深應之李釋之與周孔漸世之與遺俗在于因循不同必無逆順之殊明矣故老明兵凶處右禮呂喪制不左且四等窮奉親之至三驅顯王跡之仁在後而

要其旨可見。寧可寄至順于凶事。表吉誠于喪容哉。鄭伯所曰。肉袒亦猶許男與櫬。皆自己所乘者逆。必受不測之罰。曰斯而證順將何在。故率所懷。想更詳盡。合内外有歸。孔明集五

諸葛長民

長民琅邪陽都人。桓玄引爲平西司馬。已貪刻。免。玄篡位。與劉裕等起義。爲揚武將軍。進輔國將軍。宣城内史。已興復功。封新淦縣公。督淮北諸軍事。鎮山陽。義熙初。進使持節。督青揚二州軍事。青州刺史。領晉陵太守。鎮丹徒。轉督豫州。揚州之六郡軍事。豫州刺史。領淮南太守。尋監太尉。留府事。爲劉裕所殺。

請徙青州治京口表

此蕃十載。豐故相襲。城池崩毀。荒蕪散伏。邊疆諸戍。不聞雞犬。且犬羊侵暴。鈔掠滋甚。南齊書州郡志上。義熙二年。諸葛長民爲青州。徙山陽時。鮮卑接境。長民表。

劾郭澄之表

妖賊伐船集木而南康相郭澄之隱蔽經年又深相保明屢欺無

忌罪合斬刑

晉書諸葛長民傳

貽劉敬宣書

盤龍狼戾專恣自取夷滅異端將盡世路方夷富貴之事相與共

之

宋書劉敬宣傳南史十七

孟昶

昶字彥遠平昌人爲廣陵主簿桓玄篡位與劉裕等起義爲長史安帝反正拜丹陽尹尋監中軍留府事呂盧循入寇仰藥死

臨死上表

臣裕北討眾竝不同惟臣贊裕行計致使疆賊乘間社稷危逼臣之臯也今謹引分呂謝天下

宋書武帝紀上

劉穆之

穆之字道和小字道民東莞莒人爲江散琅邪府主簿元興中

從劉裕起義軍署府主簿遷尚書祠部郎復爲府主簿記室錄事參軍領堂邑太守呂平桓玄功封西華縣子轉中軍太尉司馬加丹陽尹建威將軍進前將軍遷尚書右僕射轉左僕射義熙十三年呂未遣宋公九錫憂卒贈散騎常侍衛將軍開府儀同三司加贈侍中司徒封南昌縣侯宋受禪進封龍陽縣侯謚曰文宣公

案穆之爲宋佐命而其死與漢末荀彧略同故編入晉末

書

所欲足下家弊耳倉卒無祿故推遷不得不用事已御出寧復吾所得迴復足下且當就之公還當思更律啟申師情事也劉穆之白

清化開帖三

朱超石

超石沛郡沛人右將軍齡石弟初爲桓謙衛軍參軍又爲何無忌輔國右軍參軍遷劉裕車騎參軍尚書都官郎復補中兵參

軍、寧朔將軍、沛郡太守。後為河東太守。除中書侍郎。封興平縣侯。義熙十四年。與齡石俱為赫連勃勃所擒。見殺。

與兄書

登北邙遠眺。眾美都盡。光武墳邊。杏甚美。今奉送其核。

魏文類聚七又八十

七御覽九百六十八

洛水道路本好。青槐映蔭可愛。

御覽一百五十八又一。百九十五。洛水作洛下。映蔭作蔭。映。

橋去洛陽宮六七里。悉用大石。下圓。目通水。可受大舫過也。

水經穀水

注一本未有奇制作三字

千金堤舊堰穀水。魏時更修。謂之千金塢。

陸雲臺上有奇井。望之幽然。投一石子。擲之。久方聞聲。

石經大都其碑高一丈許。廣四尺。駢羅相接。

羊徽

徽字敬猷。泰山南城人。義熙初。劉裕鎮京口。目為記室參軍。遷

中書郎直西省出爲西中郎長史河東太宰有集十卷

木槿賦

有木槿之初榮藻眾林而間色在青春而資氣逮中夏已呈飾挹

宵露已舒采暉晨景而吸施

藝文類聚
八十九

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷一百四十一終

全晉文卷一百四十二

烏程嚴可均校輯

周祗

祗字穎文陳郡人義熙初為國子博士有集二十卷

案藝文類聚已為宋

人今從隋唐志列于晉

月賦

二氣理化精者能鏡陽得一已朗旦月代終而夕映其狀也氣融

潔而昭遠質明潤而貞虛弱不廢照清不激汗

藝文類聚一

枇杷賦並序

昔魯季孫有嘉樹韓宣子賦譽之屈原離騷亦著橘賦至于枇杷

樹寒暑無變負雪揚華余植之庭圃遂賦之云

名同音器質貞松竹四序一采素華冬馥霏雪潤其綠葉商風理

其勁條望之冥濛即之疏寥

藝文類聚八十七御覽九百七十一

與劉裕書諫伐蜀

自義旗之建所征無不必克此可謂天人交助信順之徵也今大難已夷君臣俱泰頃五穀轉豐民無饑苦劫盜之患亦爲弭息此誠漸足無事宜大寧治本蜀賊宜平六合宜一非爲不爾也古人有言天時不如地利地利不如人和今往伐蜀萬有餘里涉流天險動經時歲若此軍直指成都徑禽譙氏者復是將帥奮威一使之舉耳然益土荒殘野無青草成都之內殆無孑遺計得彼利與今行軍之費不足相補也而今往艱險雨雪方降驅三州三吳之人投之三巴三蜀之土其中疾病死亡豈可稱計此一疑也賊必不守窮城將決力戰今我往勞困彼來甚逸若忽使師行不利人情波駭大勢挫衄此二疑也且千里饋糧士有飢色況今涉險萬里所在無儲蓄兵不解運漕不繼雖韓白之將何言成功此三疑也今云可征者云彼親離叛愚謂不然彼曰一匹夫而能致今

日之事若眾力離散亦何旨致此官所遣兵皆烏合受募之人亦必無千人一心有前無退矣爲治者固先定其內而理其外先安其近而懷其遠自頃狂狡不息誅戮相繼未可謂人和也天險如彼未可謂地利也毛修之家讎不雪不應旨得死爲恨劉敬宣裴生存之恩亦宜性命仰報今將軍欲驅二死之甘心而忘國家之重計愚情竊所未安關門之外非所宜豫苟有其心不覺披盡

劉敬宣傳義熙三年高祖表遣敬宣率眾五千伐蜀國子博士周祗書諫不從

執友箴

四輔揚輝伐木幽林撫喬鸞飛爰逮姬裴俗遂凋成交緣利昵用因僞情谷風興哀繁霜夏零道之末盡弘焉由人自室有迴過門則親微言綿邈清談輟響金雖能照塵積翳朗西河感離口悟投杖慊慊文侯友賢好學英英燕昭禮郭致樂推誠歲寒功標松竹落落喬札遼遼莊惠解帶一遇道映萬世人亦有言貴則易交利

重太山道輕鴻毛久而益敬見之晏平霜雪既至勁柏冬青

執文類聚

二十一又初學記十八引兩條

祭梁鴻文

晉隆安四年十一月陳郡周穎文曰蒹葭行潦祠于梁先生之墓夫子邁志箕穎塵垢雕俗骨秀風霜性澹寡欲娶待偕隱之儼文絕陪臣之錄遂負策周魯之郊逆旅吳會之阿可謂高奇絕倫孤生莫和者也後學撫牘得人在文忽曰知命而展其墳芒芒積草有馥餘芬昔先生過延陵而想季經海隅而感連苟踐迹而趨合亦斷金于當年

藝文類聚三十八御覽五百二十六

殷闡

闡義熙初會稽內史何無忌引爲掾屬後爲相國主簿有集十卷

祭王東亭文

自少牢之質敬與東亭王侯之靈蓋聞朗鑑不塵精金能照君目
珪璋資君明要少長風流舉契理調事擾皇家道在君子竟識外
內寄心萬里契同風雲義貫終始自昔素居桂棹于茲五載不輟
何日不思嗚呼若人奄隨化遷古之遺愛猶或興言承凶愴痛慨
然留連載文類聚卷三十八御覽五百二十六
案王珣封東亭侯隆安四年卒
顧修其

修其義熙初爲吳令

上言柿瑞

西鄉有柿樹殊本合條依舊集賀

御覽九百七十一引義熙起居注二年正月上言詔停之

上道

洹義熙中爲治書侍御史

奏彈劉毅

上言傳詔羅道盛輒開牋遂盜發密事依法棄市奏報行刑而殺

呂道盛身有侯爵輒復停宥案毅勲德光重任居次相既殺之非已無緣生之自由又奏之于先而弗請于後閭外出疆非此之謂中丞鮮之于毅舅甥制不相糾臣請免毅官

宋書鄭鮮之傳鮮之盡心高祖獨不屈意

于毅義熙六年鮮之使治書侍御史丘悅奏彈毅詔無所問

陳茂先

茂先潁川人太尉準七世孫嗣封廣陵公

上表自陳

祠部郎荀伯子表臣七世祖太尉準禍加淮南不應濫賞尋先臣呂翦除賈謐封海陵公事在淮南遇禍之前後廣陵雖在擾攘之際臣祖乃始蒙殊遇歷位元凱後被遠外乃作平州而猶不至除國良呂先勲深重百世不泯故也聖明御世英輔係興曾無疑議呂爲濫賞臣已微弱未齒人倫加始勉視息封爵兼嗣伏願陛下遠錄舊勲特垂矜察

宋書荀伯子傳義熙九年伯子上表故太尉廣陵公陳準黨兄孫秀禍加淮南請廣陵之

國宜在制除顯川陳叔先上表
宋惠紹永康元年八月光祿大夫陳季為太尉錄尚書事

韓延之

延之字顯宗南陽堵陽人義熙中建威將軍司馬休之曰為錄事參軍轉平西府治中與休之俱奔姚興劉裕入關又奔于魏為虎牢鎮將封魯陽侯

報劉裕書

聞親率戎馬遠履西畿闔境士庶莫不惶駭何者莫知師出之名故也今辱來疏始知曰譙王前事良增歎息司馬平西體國忠貞款愛待物當于古人中求耳曰君公有匡復之勲家國蒙賴推德委誠每事詢仰譙王往曰微事見劾猶自表遜位況曰大過而當嘿然邪但康之前言有所不盡故重使胡道諮白所懷道未及反已奏表廢之所不盡者命耳推寄相與之懷正當如此有何不可便興兵戈自義旗秉權曰來四方方伯誰敢不先相諮曠而逕表

天子邪。譙王爲宰相所責。文表廢之。經正何歸。表使何因。可謂欲加之罪。其無辭乎。劉裕足下。海內之人。誰不見足下此心。而復欲欺誑國士。天地所不容。在彼不在此矣。來示言虛懷期物。自有由來。今伐人之君。陷人己利。真可謂虛懷期物。自有由來者矣。劉藩死于閭閻之門。諸葛斃于左右之手。甘言詭語。方伯襲之。己輕兵。遂使席上靡款。懷之士。閭外無自信。諸侯己是爲得算。良可恥也。貴府將佐。及朝廷賢德。寄性命己過日。心企太平久矣。吾誠鄙劣。嘗聞道于君子。己平西之至德。寧可無授命之臣乎。未能自投虎口。比迹郗任之徒。明矣。假令天長喪亂。九流渾濁。當與臧洪遊于地下。不復多言。晉書司馬休之傳宋書武帝紀
中魏書薛延之傳南史宋本紀

劉程之

程之字仲思彭城人漢楚元王交之後初爲府參軍歷宜昌柴桑令去職與周續之陶潛皆不應徵命號尋陽三隱劉裕己其

不屈旌其號曰遺民有玄譜一卷集五卷

廬山精舍晉文

維歲在攝提格七月戊辰朔二十八日乙未法師釋慧遠貞感幽
奧霜懷特發乃延命同志息心貞信之士百有二十三人集于廬
山之陰般若雲臺精舍阿彌陀像前率曰香華敬薦而誓焉推斯
一會之眾夫緣化之理既明則三世之傳顯矣遷感之數既符則
善惡之報必矣推交臂之潛淪悟無常之期切審三報之相催知
險趣之難拔此其同志諸賢所曰夕惕宵勤仰思攸濟者也蓋神
者可曰感涉而不可曰迹求必感之有物則幽路咫尺苟求之無
主則渺茫何津今幸曰不謀而僉心西境叩篇開信亮情天發乃
機象通于寢夢欣歡百于子來于是靈圖表暉景倬神造功由理
詣事非人運茲實天啟其誠冥運來萃者矣可不尅心重精疊思
曰凝其慮哉然其景績參差功德不一雖晨祈云同夕歸攸隔卽

我師友之眷良可悲矣。是日慨焉。胥命整襟法堂。等施一心。亭懷
幽極。誓茲同人。俱遊絕域。其有驚出絕倫。首登神界。則無獨善于
雲嶠。望兼全于幽谷。先進之與後升。勉思彙征之道。然復妙觀大
儀。啟心貞照。識曰悟新。形由化革。藉扶容于中流。蔭瓊柯曰永言。
標雲衣于八極。汎香風曰窮年。體忘安而彌穆。心超樂曰自怡。臨
三塗而緬謝。傲天宮而長辭。紹眾靈曰繼軌。指太息曰爲期。究茲
道也。豈不弘哉。釋藏華九
又百五

致書釋僧肇請爲般若無知論釋

遺民和南。頃餐微聞。有懷遙竚。歲末寒嚴。體中如何。音寄雍隔。增
用抱蘊。弟子沈痾。艸澤常有弊瘵。邇因慧明道人北游。裁通其情。
古人不已。形疏致淡。悟涉則親。是日雖復江山悠逸。不面當年。至
于企懷風味。鏡心象迹。佇悅之勤。良日深矣。綢然無因。瞻霞永歎。
順時愛敬。冀因行李。數有承問。伏願彼大眾康和。外國法師口休。

納上人曰悟發之器而遊茲淵對想間究之功口口盡過半之思
故曰每惟乖闇愧何深此山僧清常道戒彌厲禪隱之餘則惟
研惟講恂恂穆穆故可樂矣弟子既已遂宿心而覩茲上軌感寄
之誠日月銘至遠法師頃恆履宜思業精詣乾乾宵夕自非道用
潛流理爲神御孰曰過順之年湛氣若茲之勤所曰憑慰既深仰
謝逾絕去年夏末始見生上人示般若無知論才運清雋旨中沈
允推涉聖文婉而有歸披味殷勤不能釋手真可謂浴心方等之
淵而悟懷絕冥之肆者矣若令此辯遂通則般若眾流殆不言而
會可不欣乎可不欣乎然夫理微者辭險唱獨者應希苟非絕言
象之表者將曰存象而致乖乎意謂答曰緣求智之章婉轉窮盡
極爲精巧無所間然矣但暗者難曰頓曉猶有餘疑一兩今輒題
之如別想從容之暇復能纚爲釋之論序云般若之體非有非無
虛不失照照不失虛故曰不動等覺而建立諸法下章云異乎人

者神明故不可言事相求之耳。又云用卽寂寂卽用神彌靜應逾動。夫聖心冥寂理極同無不疾而疾不徐而徐。是已知不廢寂寂不廢知未始不寂未始不知。故其運物成功化世之道雖處有名之中而遠與無名同斯理之玄固常所彌昧者矣。但今談者所疑于高論之旨欲求聖心之異爲謂窮靈極數妙盡冥符邪。爲將心體自然靈怕獨感邪。若窮靈極數妙盡冥符則寂照之名故是定慧之體耳。若心體自然靈怕獨感則羣數之應固已幾乎息矣。夫心數旣玄而孤運其照神消化表而慧明獨存當有深證可試爲辨之。疑者當已撫會應機觀變之知不可謂之不有矣。而論旨云本無惑取之知而未釋所已不取之理謂宜先定聖心所已應會之道爲當唯照無相邪。爲當成觀其變邪。若觀其變則異乎無相若唯照無相則無會可撫旣無會可撫而有撫會之功意有未悟幸復詢之論云無當則物無不當無是則物無不是物無不是故

是而無是、物無不當、故當而無當、夫無當而物無不當、乃所已爲至當、無是而物無不是、乃所已爲真是、豈有真是而非是、至當而非當、而云當而無當、是而無是、邪？若謂至當非常當、真是非常是、此蓋悟感之言、本具耳、固論旨所已不問也、願復重喻、已祛其惑矣、論至且、卽與遠法師詳省之、法師亦好相領得意、但標位、侶各有本、或當不必理盡同矣、頃兼曰、班諸有懷、屢有擊其節者、而恨不得與斯人同時也、高僧傳六

周續之

續之字道祖、雁門廣武人、居豫章之建昌、師事太守范甯、後入廬山、事釋慧遠、義熙中、劉毅鎮姑孰、命爲撫軍口、又徵太學博士、劉裕辟爲太尉掾、竝不就、宋受禪、曰講經召至、爲開館、郭門外、尋移病鍾山、景平元年卒、案隋志注晉末有徵士周桓之集一卷疑卽續之誤

荅孟氏問有祖喪而父亡服

孟氏問曰：嗣子今爲孟使君持重，光祿喪庭，便無復主位。于禮云：何？周續之荅：禮無曉然之文，然意謂嗣子宜兼持重，正位之喪，豈可闕三年正主邪？

又問曰：若嗣子兼持重者，光祿喪次親有廬邪？又荅曰：禮之倚廬在東牆下，蓋是寢苦枕曲之處，非接賓位也。謂寢息之所宜在親之殯宮于光祿喪庭，若賓客饋奠，凡是有事，然後之喪所已，則還廬次。然今代皆以廬爲接賓之位，位則二處，從禮之變，亦宜兩設也。

又問葬奠之禮，何先何後？又荅：禮云：父母之喪，偕其葬也。先輕而後重，其虞也。先重而後輕，其葬服斬縗。曰：例而推，光祿葬及奠虞，皆宜先于情，則祖輕，于尊則祖重。

並通典九十七

荅戴處士書

見重中釋疑論，辭理切驗，善乎校實也。但僕意猶有不同，乃卽欲

更言所懷。一日付法師坐。粗共求君意云。氣力小佳。當自有酬。因君論旨。兼有所見也。僕是日不復稍厝其燭火。須成旨因上。君云。審分命者。乃是體極之人。既非所同。又僕所立。不期存于應報。而慶罰已彰。亦不如君所位也。書不盡言。于是信矣。其中小小亦多未喻。付之未遇。廣弘明集二十

難釋疑論

近見君釋疑論。蓋卽情之作。料檢理要。殆乎有中。但審分命之守。侶未照其本耳。福善莫驗。亦僕所常惑。雖周覽六籍。逾深其滯。及覩經教。始昭然有歸。故曰先覺語當今之學者也。君子爲審分命所鍾。可無所驗于冥中。餘慶之言存于勸教。請審分命之旨。爲當宅情于理。任而弗營耶。爲忘懷闇昧。直置而已耶。若宅情于理。則理未可喻。善惡紛互。逆順莫檢。苟非冥廢。豈得弗營。若直置而已。則自非坐忘。事至必感。感因于事。則情亦升降。履信獲祐。何能不

慶爲惡勿罰焉得無怨雖欲忘懷其可得乎靖求諸已其效明矣
又勸教之設必傷實而動直爲訓之方不可一塗而盡故或若反
而後會或曉昧于爲言是曰塗車芻靈室室異詔或顯其遠或徵
其近今循教之徒不苟求于分表飲和之士自守足于仁義故深
淺竝訓而民聽不濫而神明之蹟蘊于妙物豈得顯稱積善正位
履霜而事與教反理與言違夷齊自得于安忍顏冉長悲于履和
恐有爲之言或異于此若商臣之徒教所不及汲引之端蓋中智
已還而安于懷仁不沒其身臧會曰僭有後于魯國則分命所鍾
于何而審元明之唱更爲疑府矣是曰古之君子知通否之來其
過非新賢愚壽夭兆明自昔楚穆曰福濃獲沒蔡靈曰善薄受禍
邠宛曰黷深莫救宋桓曰愆微易唱故洗心曰懷宗鍊形曰聞道
拔無明之沈根騎貪愛之滯網不祈驗于冥中而影響自微不期
存于應報而慶罰已彰故能反步極水鏡萬有但微明之道理隔

常域堯孔拯其粗宜有未盡史遷造其門而未踐乎室惜其在無聞之世故永悲呂窮年君既涉其津亦應不遠而得此乃幽明之所寄豈唯言論而已乖敘多年聊呂代勤來論又呂天地曠遠人事細近一善一惡無關冥應然則天網恢恢疏而遂失邪莫見乎隱莫顯乎微但盈換藏于日用交除昧乎理緣故或乖于視聽耳山崩鍾應不呂路遠喪感火澤革性不呂同象成親詳檢數端可呂少悟矣

廣弘明集二十

王義興

義興晉末爲中郎

因災異上表

臣聞堯生神禾而晉有蟲粟陛下自己聖德何如也

御覽八百四十六晉末荊州

久雨粟化爲蟲中郎王義興表

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百四十二終

全晉文卷一百四十三

烏程嚴可均校輯

陸善

已下皆晉人不知當何帝時彙錄一卷佚收

善傳里未詳

疑陸善之誤谷本皆作善不敢臆定

長鳴雞賦

美南雞之殊偉察五色之異形何伺晨之早發抗長音之逸聲

類聚九十一

孫承

承傳里未詳

案吳志孫桓傳注引吳書桓從孫丞字顯世引文士傳丞作樊火賦行于世仕孫皓為黃門侍郎吳

平赴洛為范陽太守令永安中陸機請為司馬與機俱被害晉書陸機傳作孫拯未知即其人否

嘉遜賦

有嘉遜之玄人含貞光之凱邁靡薛勗于苑柳陰翠葉之雲蓋揮修綸于洞淵臨崢嶸而式墜浙清風曰長嘯詠九韶而忘味若乃

御有撫生應物宅心曜華春圃凋葉秋林振藻揚波清景玄陰形
猶與目徒靡神曠寂而難尋渾無名于域外和丘中曰草音于是
混心齋物遨翔容與薄言采薇收蘿中野朝觀夷陵夕步蘭渚仰
弋鳴雁俯釣魴鱣遊無方之內居無形之域詠休逝之貞享察天
心而觀復委性命于玄芒任吉凶而靡錄

藝文類聚
三十六

王慶

慶爵里未詳

釣魚賦

然後抽纖繳振修竿垂銀鉤連金丸懸鮪鮓掛鴻鸞連翩雲際

潛漪瀾

藝文類聚
九十六

李秀

秀爵里未詳

四維賦

並序

四維戲者衛尉掣埃所造也畫紙爲局截木爲棊取象元一分而爲二準陰陽之位擬剛柔之策而變動云爲成乎其中

世有哲人黃中通理探幽索隱開物建始造四維之妙戲邀眾執之特奇盡盈尺之局乃擬象乎兩儀立太極之正統班五常之列位剛柔異而作配超舍同而從類或盤紆詰屈連延駱驛或間不容息舍棊則獲圍成未合騎棊先出九道竝列專都獨舉

藝文類聚七

四御覽七
百五十五

劉謐之

謐之爵里未詳藝文類聚
目爲晉人

龍郎賦一作
龐郎

坐上諸君子各各明君耳聽我作文章說此河南事初學記十九
引劉謐之龐

賦

其頭也則中豁而上下銳額平而承枕四起

初學記十九引龐郎
賦又御覽三百八十

二引寵
郎賦

迷賦

龍郎居山中，稀行出朝市。暫來到豫章，因便造人士。東西二城門，
赫奕正相侶。向風徑東征，直去不轉耳。御覽四
百九十

下也賦

疑郎寵郎賦廡
郎賦迷賦之誤

頭戴鹿心帽，足著狗皮靴。面傅黃灰澤，髻插蕪菁花。男女四五人，
皆如燒蝦蟆。御覽六百
八十七

與天公牋

昔申酉之際，遭湯旱流煙。今子亥之歲，值堯水滔天。火延燒其廬，
水突壞其園。何小人兮，頓偷雙船。由是行無擔石，室如懸磬。御覽
七百

七十又八
百二十四

體戰身噤，脫衣凍坐。賴詹公借袍，南城送火。

藝文類聚六十七
御覽六百九十三

在于建寧之邑，始得數年相助。方欲教奴學耕，使婢執耒。初學記
十九

陳仲欣

仲欣衛里未詳。

拜時婦奔喪議

夫拜時出于末代。或恐歲有忌。而吉日不辰。有此變禮。既無文于古。及其損益。故當使今之情制。不失古之義旨。亦宜曰前事之得中者。爲後事之元龜。輒尋今人拜時。壻身發蒙。交拜者。往往長迎而盡婦人之禮。案記。婦至壻揖。婦曰入。共牢而食。夙興沐浴。贊見。婦于舅姑。則與拜而長迎。然後婦禮乃備者。不相依準。至于三月廟見。鄭玄云。曰舅姑沒者耳。若曰三日擬三月施之二親。沒則可。若其親尚存。豈容借言。乃曰眾人所行失禮之事。反議許長迎而爲非。則是賤于準禮。而貴于眾失。可得然乎。又記云。娶女有吉日而死。壻曰齊綴而弔。既葬而除。夫死亦然。又在塗之女。而夫父母沒。布深衣。曰赴喪。又記云。女未廟見而死。雖不祔于王姑。而壻

不杖歸葬于女氏。示未成婦。鄭玄云。雖不備喪禮。猶爲服齊衰。依準古義。無不赴哀之文。若苟曰。今失爲是。而曰古禮先儒爲非。人則末如之何。夫拜時雖非古。旣女交拜。亦敬慎重正。但未見婦于姑。然夫妻之分定矣。若謂猶非定。則女子可冒絳紗。使他丈夫發而相見。拜曰爲壻。輒可委去。女子之分。固若是乎。夫稱妻者。係夫之言。稱婦者。有姑舅之辭。凡娶妻誠盡婦禮。所曰事其所生。而代中有三日行敬。或上堂見姑。又設有甲乙二親不存。娶妻雖已三日。無可致敬。又未烝嘗。則與拜時未敬舅姑。事殊而理同。豈聞今人曰爲非妻乎。由斯而言。迎婦入家。發蒙交拜。夫妻之禮定。致敬舅姑。爲婦之禮畢。曰明婦順耳。情禮不相背。故可推情曰言禮。凡人有喪。猶或懷愴。況已入夫門。而不卹其哀乎。若謂與古禮相準而合情者。夫家尙中祥。祥日可赴哀。赴哀而情敬伸矣。通典九十九

又書

庾揚州。召拜舅姑。擬之廟見。同先配而後祖。尋陳鍼子之譏。鄭忽是不爲夫婦。誣其祖矣。鄭云。配謂同牢食而後祭。無其敬神心。故曰誣其祖。未三月而祭。非禮也。又記曰。婦共牢食。沐浴俟明。乃見舅姑。召明婦順。今當思禮傳所召同異。而謬召拜時爲先配。後祖未是尋書之意也。且代人三日先配。及同牢行禮。不召爲嫌。又今人拜時。皆未施敬舅姑。誠準婚已交禮未及三日故也。設有婚未三日。而夫有大喪。必盡哀而婦義已成矣。旣召拜時。準婚未三月。則是俱已入門交禮。同未致敬舅姑情義。赴哭之例。不得云異。通典

九十

裴主簿

主簿失其名

寡叔母歸宗未嫁暴亡服議

晉有問曰。甲叔母乙寡。守節十餘年。其母在兄壬。迎乙還家。景求

婚于壬，壬意許定，已刺吉日，而乙暴亡，甲應有服否？裴主簿議：凡秉節遂志，義不二醮者，固必杜漸慮始，專于夫家，何得假跡晨昏，曰之媒幣？余曰：爲景壬交幣之辰，則甲乙義絕之日。通典九十九許參軍

參軍失其名

駁裴主簿議

乙喪夫無子，勵操十載，心期同穴，志固金石，雖潛交媒幣，而乙不與知，苟聘至之，非我，則無愧于幽明矣。昔宋姬守志，梁寡高行，焚身毀形，焉知景至之時？乙無若人之絮疑，必從重，重則宜服，予固曰爲不應絕也。通典九十九

王虞

虞僧里未詳

答顧氏問

顧氏問王虞云。從外弟婦亡未葬。今服訖。又無子。其夫便是喪主。當時除服否。答曰。禮云。主喪者不除其文。不別喪之輕重。須俟葬訖。不知世人有妻喪用此禮否。通典一百三

王諒

該爵里未詳

日燭

原夫至道之典。曷生死之源。標善惡之報。啟陵化之津。訓戒明白。縷羅備矣。然信言不美。交繁辭宕。累冥絕昧。重淵隔浪。是已學者未得其門。或未之留意。聊抒咸池之遠音。適爲里巷之近曲。假小通大。儻可接俗。助天揚光。號曰日燭。陶先覺之宏誥。啟玄管于靈門。周太虛以遊眺。究漭蕩而無垠。履地勢于方局。冠圓天于覆盆。緬三界之寥廓。遊二氣之氤氲。尋大造之冥本。測化育之幽根。形假四大而泡散。神妙萬物而常存。彼良民之達分。故哀生而怡魂。

夫含氣之倫其神無方蠢爾之類其質無常寄若水勢託若火光
隨行繼繼迭枯迭芳往來出沒冥冥茫茫洪海環流大變輪迴乘
彼遠漂濟來曷階宛轉三塗之中沈滯八難之園愍企竅之無期
悼客作之有歸瞻崇德之可速鑒聚凶之宜遲斯成務之易覩匪
先見之動微五福起于履是六極構于蹈非理感自然冥對玄凝
福兮誰造禍兮孰興水運鍾卑人道惡稔豈因豐積祉緣謙升童
孺正而鬼退大夫邪而魅陵覽形聲之兩偶攷休咎之雙徵理投
思而合契迹望目而相應若圓輪之抱規猶直柄之附繩蒼犬出
于帝父黃能資于聖子聿徵化而不救奚天屬之云恃諒求福之
在躬信爲仁之在己咨吹吸其靡常知忽往其何止彼非人之什
炭豈無氣之所始悲婉變之天徂還託生于家豕昔鞠育而懷抱
今屠剝以爲禮神居妙而恆我形受變而易體未一句而相忘可
長歎而流涕夫闢愚其皆然匪伊人之獨爾察冥孕于嘉類悟繫

產于蟲豸喻零霖其猶希若幡囊之倒米爲囂囂日日誰識伏
而達倚匪余情之能測謬問之目如是若夫倒置之族矇矇徒生
兵風既至忽然潛征神道雖昧鬼法尤明徘徊中陰徂彼鐵城宵
絕望舒晝無曜靈身造斧莠之檻足蹈炭炭之庭刀岳霜鋸已積
刃劍林翹鋒而肅精陶銅汪洋巨海涌巨鑊波沸而雷鳴閻王領
閻卒傷執釵三劫一奮八千累羅鵙鵙利嘴煌煌火車銳釘機槍
狡狗擬身姪徒燹于幻柱饑囚枯于塵沙資輕妙之靈質益痛戮
之易加永煩冤已彌劫安斯酷之可過三六峻綱弗可裂縷千條
殊劇萬端異苦靡喘息而不經俄聿來而忘宇予略一朝已言之
將終年而震楚爰有五德無玷十淑道全夕惕苦逝慶升九天寶
殿晃晃高構虛懸瓊房兼百瑤戶摩千金門煥水精之朗玉巷耀
琉璃之鮮珠樹列于路側鸞鳳鳴于條閒芳華神秀而粲藻香風
靈飄而飛煙想衣斐疊已被軀念食芬芳已盈前彼曠和之長邁

永一日而萬年無事爲己于性常從容于自然映光燄之煥燦眇
輕騰之翩翩究妙音之至樂窮有生之遐延捨陋世而上躋伴超
倫之高邈然夫饗茲舊德日用玉食厭土不毛周施稼穡積畜雖
多焉有不竭齡祚雖修終焉歸滅三菑起而宮宇散七證至而天
祿絕會大秋己考落混椿菌之無別是己如來大聖三達洞照哀
我國蒙曉了道要善權灑落或盛或妙如溟海之運流若天日之
垂曜上士虛懷忘其言中才負志執其教教無定方適物所由宜
陸吕車應水吕舟敷設云云廣衍悠悠駟未塞乎三百要指在乎
一幽握累玄之綱領遺毛目于網裘宏籠大訓展我智分治無不
均質有利鈍虛往實歸各足方寸愚黠竝誘龍鬼俱化萬塗叢歸
一由般若譬彼濟海非船莫過驅萬動于道場畢無爲而息駕本
夫三乘之始同歸一無才照各異致用參殊應真忘有而求空遂
耽空而恬愉緣覺亮累于知微爰遷玄而弗居雖妙迹其再喪猶

有遺而未虛。問士解拘于都盡。作無存其焉。除悟之豁于鑒先。體之冥乎意。初理重深而絕韻。時剋諒而業諸。自古在昔。先民有遇。堂堂陰映。躬受聖喻。喁喁羣黎。耳目仰注。或發蒙于一咳。或革面于一嘔。竝因言而陵化。未有人而不度。善逝迄今。道運轉衰。大教雖存。味之者希。梅檀與蓼蘇同芬。夜光與熠燿齊暉。于氏超世。綜體立指。嘉遯山澤。仁感虎兕。護公澄寂。道德淵美。微吟穹谷。枯泉漱水。闕叟登霄。衛度係軌。咸淡泊于無生。俱脫骸而不死。今則支子特秀。領握玄標。大業冲粹。神風清蕭。一言發則蘊滯披。三幡著則重冥昭。見之足已。洗鄙吝。聞之可已。落矜驕。孫濯流已逸勢。詠遂初于東臬。何深昧已棲素。輕大寶于秋毫。道風之所扇蕩。深達之所逍遙。才不難則賢不貴。愚不笑則聖不高。遠聲見陋于近耳。孰能忘味于閭韶哉。奚適非道。何之無神。理有精麤。物有產真。大居細君。小爲碩臣。羽隸隸乎金翅。甲屬屬乎須倫。兩儀宗于太極。

眾星繫于北辰是已九十六種枝條繁張輕道重根躁廢靜王具
曰予聖各鎮一方或移山而住流或倏忽于存亡命天衣之彩衆
嘯靈廚之芬芳曜叔振旅之凶化恭化礪石之琳瑯竭變幻之崑
奇惜有待之無長斯乃數內之甘醇弗如至道之糟糠者也逮乎
列仙之流練形之匹熊經鳥伸呼吸太一夕餐榆陰與素月朝挹
陽霞與朱日赤斧長生于服丹涓子翻飛于餌朮安期久視于松
豪豐人輕舉于柏實彼和液之所染足支年而住質中不夷而外
猗徙登雲而殞卒俱括囊已堅卵固同門而共出理未升于顏堂
永封望乎孔室貴乎能飛則蛾蝶高輦奇乎難老則龜蛇修考伊
逆旅之遊氛唯心玄之可寶存形者不足與論神狎俗者未可與
言道道乎奚言無問無對諮者叩窮應者負內默之斯通語焉則
匱當于素珠與請道吾成罔象與無謂杌然寂泊玄酬有箴宗鑽
浮響莫悟冥音希之彌錯搜之愈沈鄙人其逝爲誰匠樅設筌蹄

平淵曾侯魚免乎川林。倘得意于談表。共目擊而廢心。無運暎條。
往矣斯復。忍立賢達。忽如涉宿。千師誕化。肇過一六。慈氏方隆。仰
期仁育。孰云數遠。瞥若瞬目。靈轡雖迅。緣極靡窮。彼無本標。我有
始終。假步炯電之末。託息石罅之中。知畏塗而驚寇。迷塵欲之致。
戎營遠勝而婪近。謂奢儉而驕豐。不防枯于未飄。旣零落于勁風。
思反滯而更秀。結萬悔其胡充。是日大誓之徒。燒指穿石。冥期無
待。志與心歡。峻智塹崇。慧壁拔津。劍揮戒戟。想將萌而夷。斬情向
兆。而剪刺。埽六賊于胸中。休五道之長役。拱己內治。總持法忍。三
世都寂。一心豁盡。寄耳無明。寓目莫準。塵墮空落。穢與虛隕。廓焉
靈悟。因權作尹。普濟安度。大悲誰憇。託蓮廬日。和光常遊。君乎冥
泯。任天行與物化。如蹈水之無軫。若乃妙變神奇。理不思議。大千
舞于指掌。芥子含于須彌。四海宅于毛孔。七寶永于劫移。可信而
不可尋。可由而不可知。非談詠之所宣。惡毫素之能披。善乎優陀。

之言也使夫智者滿于天下人有百頭頭有百舌舌解百義辯才
鋒逸合茲人曰讚道猶萬分而未一唯覺覺之相歎乃數暘而彰
悉矧愚昧之固陋託狂簡而仰述抗螢燭之炯炯欲增暉曰毘日
者歟嗟乎方外靈藏奢遐誕宕猥妙淵玄羣奧無量小成弗藉大
言橫喪川德之厚于何不有驚聽洪壑駭耳崇阜夏典載其掌握
荒經列其戶牖周既達而未盡信齊諧之小醜見鵬鯢而標大不
覩鳥王與魚母吁乎噫嘻奇桀之事積籍眇漫焉可稱記伊皇覽
之普綜足探幽而體異何近類于剖玉又碩詆乎火熾況下斯而
束欵趣堯孔之權餌常專專而守檢懼越蹈于所伺竝廢理曰證
言莫觸類曰取意徒宏博而繁機更益猜而致忌悟飾智之悞物
故收翰而輟思寄一隅于使指俟體信于明識者乎

引明集
十三

王齊之

齊之傳里末詳

薩陀波崙讚

因書般若經多難變立讚

密哉達人功立異葉龍潛九澤文明未接運通其會神疏其轍感夢魂交啟茲聖哲

薩陀波崙入山求法讚

激響窮山憤發幽誠流音在耳欣躍晨征奉命宵遊百慮同冥叩心在誓化乃降靈

薩陀波崙始悟欲供養大師讚

歸塗將啟靈關再闢神功難圖待損而益信道忘形歡不期適非伊哲人孰採元策

曇無竭菩薩讚

疊疊淵匠道元數盡譬彼大壑百川俱引涯不俟津塗無旋軫三流開源于焉同泯

諸佛讚

因常啼念佛爲現像靈

妙哉正覺體神已無動不際有靜不鄰虛化而非變象而非摹映

彼真性鏡此羣靈廣弘明集三十九

沈嘉

嘉爵里未詳

開帖題晉太守沈嘉長書而帖但作嘉

書

十二月十三日嘉頓首頓首歲有感懷深寒切想各平安僕勞弊

遣不具沈嘉頓首頓首

清化閣帖三

王循

循爵里未詳

開帖題晉王循書大觀作中軍將軍今檢晉書未見

書

七月廿四日循遮頓首秋月感思深得近示為慰餘熱比復可不

僕疾患故爾不平復頓勿力書不盡王循遮頓首

清化閣帖三

有阿遮帖當是人名

謝璠伯

璠伯未詳

閣帖題云晉敬勝常侍

書

此計江東精兵不可卒得唯當善養見者而事慮日多如比來憂
懷實已萬端

消化閣帖三

劉瓌之

瓌之爵里未詳

閣帖釋文瓌之字元寶仕至御史中丞大觀帖作晉中丞今檢晉書未見

書

瓌之頓首頓首未陽遠感聞知有患耿耿知己自屈恨不相見力
及不比望瓌之

消化閣帖三

謝發

發爵里未詳

書

晉安素自強壯且年時尚可當延遐期豈謂奄至于此自畢遠近
二三惋愕不能已已未欲旨問悲酸悵悵想不久可得還耳執筆
惻感清化閣帖三案此帖無姓名為謝發未知何據

賜進士出身二品銜廣東等處提刑按察使司按察使兼管驛傳事務黃崗王毓藻校刊

全晉文卷一百四十三終

全晉文卷一百四十四

烏程嚴可均校輯

列女

嚴憲

憲京兆人魏杜有道妻年十八而寡子植爲南安太守女雖爲傳玄繼妻

與從子秦州刺史杜預書

傳
諺云忍辱至三公卿今可謂辱矣能忍之公是卿坐晉書列女杜有道妻嚴氏

阮氏

阮氏阮咸之姑

荅阮咸書

魯靈光殿賦曰胡人遙集于上楹可字曰遙集也世說任誕篇注引阮孚別傳

鍾琰

琰，潁川人。太傅鍾繇曾孫女。司徒王渾妻。有集五卷。

遐思賦

惟仲秋之慘悽，百草萎悴而變衰。燕翔逝而歸海，蟋蟀鳴而相追。坐虛堂而無寥，嗟我心之多懷。悵遐思而內結，嗟爾姜任，邈不我留。謀民生之未幾，吾何爲其多愁。涼風蕭條，露霑我衣。憂來多方，慨然我懷。感飛鳥之反鄉，詠衛女之思歸。于是周遊容與，逍遙彷徨。悲民生之局促，願輕舉之遐翔。

蘇文類聚三十四

鸞賦

嘉京都之鸞鳥，冠羣類之殊形。擢末軀于紫闥，起顯御乎天庭。惟節運之不停，懼龍角之西頽。慕同時之逸豫，怨商風之我催。

蘇文類聚

九十

徧氏

衛氏太保瓏女

與國臣書

先公名諡未顯無異凡人每怪一國蔑然無言春秋之失其咎安在悲憤感慨故已示意音書衛

湛氏

湛氏豫章新淦人陶侃母

封鮒反書責陶侃

汝爲吏曰官物見餉非唯不能益吾乃已增吾憂也傳第八百六十二引世說

又晉書列女本傳小異

辛蕭

蕭散騎常侍傳統妻有集一卷

芍藥花頌

畦畦芍藥植此前庭晨潤甘露晝臨陽靈曾不踰時往再繁茂綠

葉青葱應期吐秀細蕊攢挺素華菲敷光譬朝日色豔芙蕖媛人
是採已廁金翠發彼妖容增此婉嬾惟昔風人抗茲榮華聊用興
思染翰作歌

蘇文類聚
八十一

菊花頌

英英麗草稟氣靈和春茂翠葉秋隴金華布濩高原蔓衍陵阿陽
芳吐馥載芬載葩爰採爰拾投之醇酒御于王公已介眉壽服之
延年佩之黃耆文園賓客乃用不朽

蘇文類聚
八十一

燕頌

翩翩玄鳥載飛載揚頡頏庭宇遂集我堂銜泥啄草造作室房避
彼湫隘處此高涼孕育五子靡夭靡傷羽翼既就縱心翱翔顧影
遙豫其樂難忘

蘇文類聚
九十二

于氏

于氏成帝時散騎侍郎賀儵妻

上表言養兄子率爲後

咸和五年

妾昔初舉，醮歸于賀氏。胤嗣不殖，母兄羣從，曰：「妾犯七出，數告賀氏求妾還。」妾姑薄氏過見，矜愍，無子歸之。天命婚姻之好，義無絕離，故使夫僑多立側。媵僑仲兄羣，哀妾之身，恕妾之志，數謂親屬曰：「于新婦不幸無子，若羣陶新婦，生前男，曰後當曰一子與之。」陶氏既產澄、馥二男，其後子輝孕，羣卽白薄。若所有是男，曰乞新婦。妾敬諾拜，賜先爲衣服。曰：「待其生。」輝生之日，洗浴斷臍，妾卽取還，服藥下乳。曰：「乳之所。」陶氏時取孩抱，羣恆辭止，婢使有言其本末者，羣輒責之，誠欲使子一情。曰：「親妾而絕本恩于所生。」輝百餘日，無命不育。妾誠自悲傷，爲之憔悴。姑長上下，益見矜憐。羣續復曰：「子率，重見鎖撫。」妾所曰：「訖心盡力，皆如養輝。」故率至于有識，不知非妾之子也。率生過周，而僑妾張始生子纂。于時羣尚平存，不曰爲疑。原薄及羣，以率賜妾之意，非惟曰續僑之嗣，乃曰存妾之

身妾所已得終奉烝嘗于賀氏緣守羣信言也率年六歲纂年五歲羣始喪亡其後言語漏洩而率漸自嫌爲非妾所生率既長與妾九族內外儕姑姨之親而白談者或曰僑既有纂其率不得久安而妾子若不去則是與爲人後去年率卽歸還陶氏僑時寢疾曰吾母兄平生之所其議也陌上游談之士遽能深明禮情當與公私共論正之尋遂喪亡率既年小未究大義動于游言無曰自處妾亦婦人不達典儀唯曰聞于先姑謂妾養率曰爲己子非所爲人後也妾受命不夭嬰此荒獨少訖心力老而見棄曾無螺贏式穀之報婦人之情能無怨結備論其所不解六條其所疑十事如左夫禮所謂爲人後者非養子之謂而世之不深案禮文恆合此二事曰相疑亂處斷所已大謬也凡言後者非竝存之稱明死乃至哀死不先養今乃曰生爲人子亂于死爲人後此妾一不解也今談者曰僑自有纂不嫌率還本也原此失禮爲後之意傳曰

爲人後者孰後後大宗也今僑上非大宗率不爲人後何係于有
纂與無纂乎此妾二不解也夫呂支子後大宗者爲親屬既訖無
呂序昭穆列親疏故係支于宗使百代不遷故有立後之制今呂
兄弟之子而比之族人之子後大宗此妾三不解也凡爲後者降
其本親一等呂成人之性奉父母之命而出身于後豈不異嬰孩
之質受成長于人不識所生惟識所養者乎鄙諺有之曰黃鷄生
卵烏鷄伏之但知爲烏鷄之子不知爲黃鷄之兒此言雖小可以
喻大今呂義合之後比成育之子此妾四不解也禮傳曰爲人後
者爲所後祖父母妻妻之父母昆弟昆弟之子若子若子者義比
于子而恩非子也故曰爲後者異于爲子也今乃呂爲後之公義
奪而養之至恩此妾五不解也與爲人後者自謂大宗無後族人
又旣已選支子爲之嗣呂今人之中或復重爲之後後人者不二
之也自非狗爵則是貪財其舉不主于仁義故尤之也非謂如率

爲嫡長先定庶少後生而當曰爲譏此妾六不解也妾又聞父母
之于子生與養其恩相半豈胞胎之氣重而長養之功輕孔子曰
子生三年然後免于父母之懷母故服三年詩曰父兮生我母兮
鞠我拊我畜我長我育我顧我復我出入腹我欲報之德昊天罔
極凡此所歎皆養功也螟蛉之體化于蜾蠃班氏之族乳虎紀焉
由此觀之乳哺之義參于造化也今率雖受四體于陶氏而成髮
膚于妾身推燥居溼分肌損氣二十餘年已至成人豈言在名稱
之間而忘成育之功此妾一疑也夫人道之親父子兄弟夫婦皆
一體也其義父子手足也兄弟四體也故曰兄弟之子猶己子故
曰相字也今更曰一體之親擬族人之疏長養之實比出後之名
此妾二疑也夫子之于父母其情一也而有曰父之尊厭母之親
曰父之故斷母之恩曰父之命替母之禮其義安取蓋取尊父命
也凡嫡庶不分惟羣所立是君命制于臣也慈母如母生死勿怠

是父命之行于子也。妾之母率尊命則由羣之成言。本義則僞之猶子。計恩則妾之懷抱。三者皆此而今棄之。此妾之三疑也。諸葛亮無子。取兄瑾子喬爲子。喬本字仲慎。及亮有子瞻。曰喬爲嫡。故改字伯松。不曰有瞻而遺喬也。蓋曰兄弟之子猶己子也。陳壽云。喬卒之後。諸葛恪被誅絕嗣。亮既自有後。遣喬子攀還嗣。瑾視明恪若不絕嗣。則攀不得還。亮近代之純賢。理正遠之達士。其兄弟行事如此。必不陷子弟于不義。而犯非禮于百代。此妾四疑也。春秋傳曰。陳女戴嬀生桓公。莊姜曰爲己子。言爲己子。取而字之。傳又曰。爲人後者。爲之子。往而承之也。取而字之者。母也。往而承之者。子也。在母母之仁也。則螟蛉之育螟蛉。在子子之義也。則成人之後大宗也。苟能別曰爲己子。與爲人後之子。不同文也。則可與求禮情矣。曰義相況。則宗猶父也。父猶母也。莊姜可得子戴嬀之子。繫之于夫也。兄弟之子可曰爲子。繫之于祖也。名例如此。而論

者弗尋此妾五疑也董仲舒一代純儒漢朝每有疑議未嘗不遣使者訪問呂片言而折中焉時有疑獄曰甲無子拾道旁棄兒乙養之曰爲子及乙長有罪殺人呂狀語甲甲藏匿乙甲當何論仲舒斷曰甲無子振活養乙雖非所生誰與易之詩云螟蛉有子蜾蠃負之春秋之義父爲子隱甲宜匿乙詔不當坐夫異姓不相爲後禮之明禁仲舒之博學豈闇其義哉蓋知爲後者不鞠養鞠養者非後而世人不別此妾六疑也又一事曰甲有子乙曰乞丙乙後長大而丙所成育甲因酒色謂乙曰汝是吾子乙怒杖甲二十甲曰乙本是其子不勝其忿自告縣官仲舒斷之曰甲能生乙不能長育曰乞丙于義已絕矣雖杖甲不應坐夫拾兒路旁斷曰父子之律加杖所生附于不坐之條其爲予奪不亦明乎今說者不達養子之義唯亂稱爲人後此妾七疑也漢代秦嘉早亡其妻徐淑乞子而養之淑亡後子還所生朝廷通儒移其鄉邑錄淑所養

子還繼秦氏之祀異姓尚不爲嫌況兄弟之子此妾八疑也吳朝
周逸博達古今逸本左氏之子爲周氏所養周氏又自有子時人
不達者亦譏逸逸敷陳古今故卒不復本姓識學者咸謂爲當矣
此妾九疑也爲人後者止服所後而爲本父服周一也女子適人
降所生二也爲父後者爲出母無服三也諸侯之庶子不得服其
母四也庶子爲王不敢服其母五也凡此五者皆制人情禮稱曰
義斷恩節文立焉率情立行者夷狄之道也愚世人不能錯綜禮
文表裏仁義亂于大倫故漢衰曰諸侯嗣天子各還尊其私親曰
爲得周公嚴父之義而不知其大悖國典夫未名之子死而不哭
旣名之後哭而不服三殤之差及至齊斬所稟所受其體一也而
長幼異制等級若此又今世人生子往往有殺而不舉者君子不
受不慈之責有司不行殺子之刑六親不制五服之哀賓客不修
弔問之禮豈不曰其蠢爾初載未夷于人乎生而殺之如此生而

棄之受成長于他人則追名曰本吾子也乃全責曰父子之恩自同長養之功此妄十疑也通典六十九

衛鑠

鑠字茂猗河東安邑人廷尉衛展女汀州刺史江夏李矩妻善鍾絲書法世稱衛夫人王羲之師事之子充中書侍郎亦善楷

法案百書李充在文苑傳別有李矩字世迴平陽人非即此

與釋某書

衛稽首和南近奉敕寫急就章遂不得與師書耳但衛隨世所學規摹鍾繇遂歷多載年廿著詩論草隸通解不敢上呈衛有一弟子王逸少甚能學衛真書咄咄逼人筆勢洞精字體遒媚師可詣晉尚書館書耳仰憑至鑒大不可言弟子李氏衛和南范化閣帖五

筆陣圖

夫三端之妙莫先乎用筆六藝之奧莫匪乎銀鉤昔秦丞相斯見

周穆王書七日興歎患其無骨蔡尚書入鴻都觀碣十旬不返嗟其出羣故知達其源者少闇于其理者多近代已來殊不師古而緣情棄道纔記姓名或學不該瞻聞見又寡致使成功不就虛費精神自非通靈感物不可與談斯道今刪李斯筆妙更加潤色總七條并作其形容列事如左貽諸子孫永爲模範庶將來君子時復覽焉筆要取崇山絕仞中兔毛八九月收之其筆頭長一寸管長五寸鋒齊腰强者其規取煎澗新石澗澗相兼浮津耀墨者其墨取廬山之松煙代郡之鹿膠十年已上强如石者爲之紙取東陽魚卵虛柔滑淨者凡學書字先學執筆若眞書去筆頭二寸一分若行草書去筆頭三寸一分執之下筆點墨畫波屈曲皆須盡一身之力而送之若初學書先須大書不得從小善鑒者不寫善寫者不鑒善筆力者多骨不善筆力者多肉多骨微肉者謂之筋書多肉微骨者謂之墨猪多力豐筋者聖無力無筋者病一

從其消息而用之。

一 如千里陣雲隱隱然其實有形

如高峰墜石磕磕然實如崩也

陸斷犀象

百鈞弩發

萬歲枯藤

崩浪雷奔

勁弩筋節

右七條筆陣出入斬斫圖執筆有七種有心急而執筆緩者有心緩而執筆急者若執筆近而不能緊者心手不齊意後筆前者敗若執筆遠而急意前筆後者勝又有六種用筆結構圓備如篆法飄颻灑落如章草凶險可畏如八分窈窕出入如飛白耿介特立如鶴頭鬱拔縱橫如古隸然心存委曲每爲一字各象其形斯超

妙矣書道畢矣永和四年上虞製記唐張彥遠法書要錄一御覽
池編目此為王羲之書論良文又云舊傳右
軍所作後見張彥遠要略目為衛夫人之辭
案朱長文墨

謝道韞

道韞安西將軍謝奕女江州刺史王凝之妻有集一卷

論語贊

衛靈公問陳於孔子孔子對曰俎豆之事則嘗聞之軍旅之事未
之學也庶則大矣比德中庸斯言之善莫不歸宗竊者非木妙極
令終嗟我懷矣興言攸同孔子曰民之於仁也甚于水火水火吾
見蹈而死者未見蹈仁而死者矣藝文類聚五十五

陳竊

竊武平都尉陶融妻有集一卷

箏賦

伊夫箏之為體惟高亮而殊特應六律之修和與七始乎消息括

八音之精要超眾器之表式后夔創制子野考成列柱成律既和
且平度中楷模不縮不盈總八風而熙泰羌貫微而洞靈牙氏攘
袂而奮手鍾期傾耳已靜聽奏清角之要妙詠騶虞與鹿鳴獸連
軒而率舞鳳踰險而集庭汎濫浮沈逸響發揮翕然若絕皎如復
迴爾乃祕豔曲卓礫殊異周旋去閨千變萬態

並文類聚四十四
又初學記十六引

李氏

李氏東陽太守袁宏妻

弔嵇中散文

宣尼有言曰惟仁者能好人能惡人自非賢智之流不可曰褒貶
明德擬議英哲矣故彼嵇中散之爲人可謂命世之傑矣觀其德
行奇偉風韻劭邈有似明月之映幽夜清風之過松林也若夫呂
安者嵇子之良友也鍾會者天下之惡人也良友不可曰不明明

之而理全惡人不可已不拒拒之而道顯夜光非與魚目比映三
秀難與朝華爭榮故布鼓自嫌于雷門礫石有忌于琳琅矣嗟乎
道之喪也雖智周萬物不能違頓沛之難故存其心者不曰一售
累懷檢乎迹者必曰纖芥爲事慨達人之獲譏悼高範之莫全凌
清風曰三歎撫茲子而悵焉聞先覺之高唱理極滯其必宣倣千
載之大聖期五百之明賢聊寄憤于斯章思慷慨而炫然御覽五
百九十

陳玠

玠都水使者徐藻妻有集五卷

石榴賦

惟木之珍莫美石榴權鮮葩于青春結芳實于素秋御覽九
百七十

陳璆

璆海西令劉臻妻隋志注作劉麟妻有集七卷

與妹劉氏書

伏見偉方所作先君誄其述詠勲德則仁風靡墜其言情訴哀則
孝心已敘自非挺生之才孰能克隆聿脩若斯者乎執詠反覆觸
言流淚感賴交集悲慰並至元方偉方竝年少而有盛才文辭富
豔冠于此世竊不自量有疑一言略陳所懷庶備起予先君既體
弘仁義又勤則聖檢奉親極孝事君盡忠行己也恭養民也惠可
謂立德立功示民軌儀者也但道長祚短時乏識真榮位未登高
志不遂本不標方外迹也老莊者絕聖弃智渾濟萬物等貴賤忘
哀樂非經典所貴非名教所取何必輒引目爲喻耶可共詳之

荆聚二

十二

荅舅母書

元方春秋始富德業亦隆弘道博文才質兼備冀志與時暘榮耀
當年豈意一朝冥然長往元方冲幼過庭莫聞聖善明訓業成三

徙亦既冠婚雙譽允集庶幾偕老色養膝下而殃厲橫流艱禍仍
遘媛姊傾逝宗模永絕姊方玄華竝夭嗟年豈慮豈圖禍降彌酷
良才大于始立崇基殞于一匱仰痛殄滅俯悼二弟斯人斯命當
可奈何母年踰耳順備經百罹一紀之中四遭至痛目前廓然三
從靡託窮悼中發情馳難處文類聚三十四

正旦獻椒花頌

旋宮

御覽作璇宮

周迴三朝肇建青陽散暉澄景載煥美哉

晉書作標美書鈔作

美靈葩爰采爰獻聖容暎之永萬於萬

魏文類聚四又八十九晉書列女傳北堂書鈔一百

五十五初學記四御覽二十九又九百五十八

獻春頌

玄陸降坎青遠升震陰祗送冬陽靈迎春

初學記三

五時畫扇頌

炎后飛軌引曜丹達蕤賓應律融精協職五象列位品物已垂兒

降素獸震升青螭日月澄暉仙章來儀仰憩翠巖俯映蘭池靈柯
幽藹神卉參差如山之壽如松之猗永錫難老與時推移

九初學記
二十五

進見儀

正月七日上人勝于人

御覽
三十

王劭之

劭之劉柔妻有集十卷

懷思賦

超離親而獨寄與憂憤而長俱雖亮分已自勉曾無閒乎須臾思
遙遙而冲懃疾結滯乎肌膚憶昔日之懽侍奉膝下而怡裕集同
生而從容常欣泰已邈豫何邈遇之偏否獨遯隔于修路何恆烏
之將分猶哀鳴已告離況遊子之眷慕執殷思之可靡于是仲秋
蕭索夢收西御寒露宵零落葉晨布羨歸鴻之提提振輕翼而高

舉志眇眇而遠馳悲離思而鳴咽彼邁物而推移何予思之難泄
聊摩翰曰寄懷悵辭鄙而增結

藝文類聚二十
初學記十七

春花賦

千葩粲其昭晰兮百卉蒨而同榮蘭圖翹曰含芳兮芝薄振而沈
馨翠穎競臻眾條頻英或異色同形或齊芳殊制自然神查不可
勝計爛若羅宿之垂光灼若隋珠之宵列爽若翡翠之羣翔練若
珊瑚之映月詩人詠曰託諷良喻美而光德準工女于妙規飾王
后之首則

藝文類聚
八十八

姜嫄頌

英英姜嫄實德之純肇承靈瑞武敏是遵誕育岐嶷毗贊皇綸播
殖之訓萬葉攸循

啟母塗山頌

塗山靜居玄郎悟幾大禹至公過門不歸明此道訓孩膺是綏仁

哲已成永繫天暉

讀文類聚十五

靈壽杖銘

籊籊鮮餘秀彼崇嶸下澤蘭液上瑩芳霄貞勁內固鮮粲外昭耀

質靈蒼作珍華朝杖之身安越齡松喬

讀文類聚六十九

夫誄

猗猗嘉穎朝陽方翹烈風嚴霜殞此秀條璇璣倏忽四序競征清

商激宇蟋蟀吟橘

讀文類聚三十七

孫瓊

瓊松陽令鈕滔母有集二卷

悼艱賦

伊稟命之不辰遭天難之靡忱夙無父之何怙哀壅瘁已抽心覽
蓼莪之遺詠詠肥泉之餘音經四位之代謝雖積祀而思深伊三
從而有歸爰奉嬪于他族仰慈姑之惠和荷仁澤之陶渥釋褻服

已斬衣代羅幃已縞布仰慈尊已飲泣撫孤景已協慕遇飛廉之
暴骸觸驚風之所會扶搖奮而上躋頽雲下而無際頓余邑之當
春望峻陵而鬱青瞻空宇之寥廓愍宿草之發生顧南枝已永哀
向北風已飲泣情無觸而不悲思無感而不集

藝文類聚
三十四

登巖賦

攷茲器之所起實侯氏之所營遠不假于琴瑟顧無取乎竿笙爾
乃陟九峻之增巖瞻承溫之朝日剖嶧陽之孤桐代楚宮之椅漆
徵班輪之造器命伶倫而調律浮音穆已遐曷沈響幽而若絕樂
操則寒條早榮哀曼則晨華朝滅邈漸離之清角超子野之白雪
然思超梁甫願登華岳路嶮悲秦道難怨蜀遺逸悼行邁之離秋
風哀年時之速陵危柱已頽頽憑哀弦已躑躅于是數轉難測聲
變無方或冉弱已飄沈或頓挫已抑揚或散角已放羽或攄微已
騁商

藝文類聚卷四十四初學記
十六末有于是而已矣

后夔正樂唱引參列宋女揮絲秦娥撫箏

初學記十六

與虞定夫人薦環夫人書

瓊聞興賢崇德聖主令典旌善表操有邦盛務伏見族祖吳國亡
民富春孫彥妻環少厲合節服膺道教遠適孫氏恪居婦職宗姻
有聲奉禮未周彥母喪殯喪殯半年彥奄亡沒環率禮奉終抗義
明節傾竭私產已供葬送禮服既終前無立子家欲改醮誓而不
許

蘇文類聚十八

荅虞吳國書

咸和中避蘇峻亂于臨安山吳國遣使餉饋乃荅書曰此果有胡

桃飛纒飛纒出自南州胡桃本生西羌外國外剛內柔質侶古賢

欲已奉貢

蘇文類聚八十七
御覽九百七十一

與從弟孝徵書

省爾譏我已養鵠乃戒已衛懿滅斃之禍斯言惑矣吾未之取彼

衛懿之妖民無役車之載鶴有乘軒之飾禍敗之由由乎失所若
乃開圃卽于靈囿沃地矩乎神沼文魚躍于白水素鳥翔乎神州
豈非周文之德大雅所脩哉夫嘉肴旨酒非不美也夏禹盛日陶
豆殷紂著呂玉杯而此聖日興彼愚日滅蓋置之失所如其無失
來難可施乎

藝文類聚九十

與從祖虞光祿書

賜琉璃盆

御覽七百六十七

公孫夫人序贊

夫人姓公孫氏會稽剡人也夫人資三靈之清懿誕華宗之澄粹
奇朗照于齟齬四教成于弱笄慈恩溫恭行有秋霜之潔祗心制
節性同青春之和敦悅憲章動遵禮規居室則道齊師氏有行則
德配女儀禮服有盈籩豆無闕猗歟夫人天姿特挺行高冰潔操
與霜整性揚蘭芳德振玉穎猗彼瓊林奇翰有集展彼碩媛含德

來綺動與禮遊靜已義立

藝文類聚十八

羊氏

羊氏王倫妻

安石樞賦

振綠葉于柔柯垂彤子于累房

御覽九百七十

張君平

君平未詳

與妹憲書

念諸里舍皆富財賄袿褻蔽紛華照曜于是之際想汝懷愧

御覽

六百九十一引婦人集

案婦人集宋司空徐湛之撰則君平必在宋目前張采臣為晉人今從之

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷一百四十四終

全晉文卷一百四十四

古